

04. jan 2016

Inatsisartut suleriaasianni § 36 naapertorlugu apeqquteqaat aallaavigalugu Inatsisartut oqallinnissaannik siunnersuut imaattoq matumuuna saqqummiuppara:

Nunatta maannamut taaguutaa “Kalaalli Nunaat” “Inuit Nunaat”-nik taarserneqassanersoq pillugu apeqquteqaat aallaavigalugu Inatsisartut oqallinnissaannik siunnersuut
(Inatsisartunut ilaasortaq Nikolaj Jeremiassen, Siumut)

Aallarniutigalugu malugeqqussavara misigisimagama naqissusertariaqarlugu oqallissarininni siunertaangilluinnarmat inuianni qupparsualiortoqarnissaanik aqutissiuertertut, nunatsinni aamma uagut pitsaaqutit ajoqutillu tamarmik ilaatillugit nunarsuarmioqataavugut, ullutsinnilu takornartaangilaq inuiaat assigiingitsut nunami ataatsimi inooqaatigiittarnerat, taamaattoq pisariaqarsoraara nunatta taaguutaata oqallisigitinnissaa. Oqallissarininni siunertaraara nukimik inuiaqatigiittut atorsinnaasatsinnik tulluussimaarutigisinnaasatsinnillu pilersitsinissaq, nukik nuna tamakkerlugu ataqatigiissitsinertut misigisimanermik pilersitsisoq.

Siulivut nunami maani najukkaminni inuussutissaqarumallutik ukiorpanni naleqqussartuarsimapput, nunakkut immakkullu angalanerminni taamatullu angallatitigut piniarnerminnilu sakkumikkut, imminnut upperalutik, imminnullu tatigilluinnarlutik.

Tulluartsuorivara Inatsisartut eqqartussapassuk nunamik siulitta nunaminnut taaguutaat utertinnissaa qanoq isumaqarfigineraat pillugu.

Siuaasavullu imminnut taagorsimapput **INUIT**, nunamik sineriaa siammarfigisimavaat, perluit anorersuillu akiortarsimavaat nunamik asasamik tunniussinnaasai isumatuumik atoramikkik, naleqqussartuarnermikkut nunap immallu tunniussinnaasaannik atorluanaanermikkut, imminnut upperalutik allanik aperisaqarnatik, ilisimallugu nunaminni uumassusilinnik uumaatsunillu inuussuteqarnertik isumatuumik aqukkunikkit naammattorsuarnik inuuniarnerminni atungassaqarlutik, alloriarnissaminni nangiarnatik ilisimallugu namminneq iliuuseqanngikkunik allanik iliuuseqartoqassanngittoq.

Qularutiginnngilluinnarparalu aamma suliniarnerminni suli nukittunerullutik kingulissamik atorumaangassaannik oqinnerulersitsiniarlutik siulimik anersaavat nukittoqutigalugu sulilu sakkortunerusumik ikioqatigiinneq nammaqatigiinnerlu massakkornit timitalersornerullugit ingerlatsissasut.

Sineriassuaqarpugummi isorartuumik, imatummi isorartutigaaq: ilaa seqinnarissuaq avannaarsuali kaperlattoq, kujataa taarsisartooq avannaarsuanili seqinersuaq tarrissanani kaaviinnartoq, nunarpullu ataqatigiissumik sullinneqassappat nunatta pissusaa aallaaviusariaqarpoq, inuiaat allat eqqarsartaasiat atornagu, nunartillu aallaavigalugu inatsisiliaat atornagit.

Siulitta nuna manna najortuarsimavaat, ullaakkut ullulernerup kangianiit akisulluni qaammariartulernera isiginnaartarsimavaat, ullullu qanoq atugaqarfigiumaarnissaa nalullugu pilersisullutik angallavigisarsimavaat, unnulluni ullup pisaqarluarfiusimasup piniussisullu imminut iluarisimaartup unnesserfiusarsimavaa nuannaarluni ilaqtanni pissaqartikkamigit, kiisalu paarlattuanik ilu-

ngersoraluarluni angiluttorluni taamaakkaluartorli peqqilluni sulilu aqagussamut siunissamullu nukissaqarnerulluni neriuuteqarlunilu qasuerserniarluni nallavini taasarsimavaa: **INUIT NUNAAT**,

Isumaqarluinnarpunga piffissanngortoq inuiaat nunamik matuminnga najugaqartut nunaminnut taajuutigisimasaat utertissallugu, isumaqarpungalu meeraanguni inuusuttuuguni utoqqaaguniluunniit, arnaaguni angutaanguniluunniit tanngassimaarluni nunani asasani taasinnaalertariaqaraa: **INUIT NUNAAT**.

Oqallilluarnissassinnik kissaallusi.

Inatsisartut oqaateqaatissaanut siunnersuut:

Apeqquteqaat aallaavigalugu oqallinneq tunuliaqutigalugu matumuuna Inatsisartut oqaaseqaatissaattut siunnersuut imaattoq saqqummiuppara

Inatsisartut Naalackersuisunut eqqarsaatigeqqaat Nunatta maannamut taaguutaa “*Kalaallit Nunaat*” “*Inuit Nunaat*”-nik taarserlugu taaguuteqalertinneqarsinnaanera innuttaasunut qanoq isumaqarfi-gineqarnersoq pillugu isumasiuinissaq Naalackersuisut pilersaarusiussagaat.